

石遺室詩話

數十年來多說詩。意有所得。輒拉雜筆之。未成書也。壬子秋客居都門。梁任公編庸言雜誌。屬助臂指。則請任詩話。裊續舊說。博依見聞。月成一卷。卷可萬言。癸丑旋里。寄稿偶有間斷。迨甲寅夏日。印行僅十三卷。詩之可話者尙多。而庸言則既停矣。乙卯六月。李拔可謀爲東方雜誌。增文苑材料。復以詩話見委。亦月成一卷。卷萬言。至十有八卷而復止。則鄙人有福建通志之役。事方殷也。久之十三卷之本。坊間私行翻印。既非完書。復多錯誤。十八卷之本。從未單行。阿好者欲購未由。時來問訊。乃取舊稿。刪改合并。益以近來所得。都三十二卷。屬涵芬樓主人印之。以餉海內之言詩者。商榷密焉。歲在彊圉。單閼。首夏。石遺老人書。

石遺室詩話卷一

侯官陳衍

道咸以來何子貞

紹基

祁春圃

霽藻

魏默深

源

曾滌生

國藩

歐陽礪東

輅

鄭子

尹珍莫子偲

友芝

諸老始喜言宋詩

何鄭莫皆出程春海侍郎

恩澤

門下湘鄉

詩文字皆私淑江西洞庭以南言聲韻之學者稍改故步而王壬秋闡運則爲騷選盛唐如故都下亦變其宗尙張船山黃仲則之風潘伯寅李莼客諸公稍爲翁覃谿吾鄉林歐齋布政壽圖亦不復爲張亨甫而學山谷嗣後樊榭定盦浙派中又分兩途矣

丙戌在都門始知有嘉興沈子培者能爲同光體同光體者余戲目同光以來詩人不專宗盛唐者也見子培數詩雅健有意理後十年相見索舊作皆棄斥無一存者余謂君博探羣書治史學泊西北輿地余亦喜治考據之學其實皆爲人作計無與己事作詩尙是自家意思自家言說子培意不能無動間一爲

之。次年余移居水陸街。君居姚園。相去不數武。秋冬病瘡寒困臥。遂日有所作。或一日數夸示之。或夜三四鼓。猶打門送詩。不兩三月。已積百餘首。多可存。中有威靈仙金雞那霜二詩。至佳妙。爲梁節菴持去。不復得矣。時余有冬述四首。示子培。其一云。詣談無晨昏。積雨斷還往。泥塗敗馳道。搏躍可過顙。昨聞東山下。寒色足泱泱。千松聚一壑。中有一泉響。稍爲羣楮山。一洗貌羸獷。駕言思出遊。懷哉幾吾黨。梁公勞教授。鄭老疲鞅掌。寬閒尙有子。合作馬曹賞。卻思去年雪。招手鶴樓上。薄寒中背呂。拳曲不可彊。波及居士裝。披簑代鶴氅。今年詩逐瘡。破膽到蝸蝓。烏頭時爲帝。腰腳藉稍養。屢期閱市行。且抱樊口想。稍晴具三餐。聊用適莽蒼。其二云。與子旣南來。夏飢遭蒸炊。屋旁有廢圃。徼幸南風吹。露宿息喘汗。稍蘇星漢移。風濕作薄癬。爬搔徧膚肌。先生屋打頭。相從對唎呬。藏冰渺北陸。浮瓜非南皮。借問清涼散。寄書鄭當時。答言生地黃。搗之以終葵。焦焚至毒時。沃之聊數匙。皖公有鄉祠。百畝環荷池。追涼仍揮汗。薄啜荷葉糜。蔚

然苻婁庭移居。惜微遲。石臺撫雙梧。涼露忽已滋。子由將北行。瘦馬不獨騎。追送平山堂。茱萸仍分持。瘡寒豈杵臼。乃以秋爲期。淨名久默然。文字禪在茲。其三云。往余遊京華。少谷過我邸。告言子沈子。詩亦同光體。雖然見贈答。色味若粢醴。十年始會面。輟樂正讀禮。從之索舊作。發篋空如洗。能者不自珍。翻悔筆輕泚。我言詩教微。百喙乃爭啓。風雅道殆喪。龐言天方瘠。內輕感外重。怨悱遂醜詆。何人抱微尚。不絕似追蠹。宋唐皆賢劫。勝國空祖禰。當塗逮典午。導江僅至澧。先生特自牧。頗謂語中繫。年來積懷抱。發洩出根柢。雖肆百態妍。石瀨下見底。我雖不曉事。老去目未眯。諒有古性情。汨汨任有瀾。第四首不言作詩事。子培有寒雨積悶雜書遣懷。襞積成篇。爲石遺居士一笑。詩八十餘韻。余與君論詩語。略具其中。詩云。寒雲如覆孟。漏天不可補。曜靈避面久。畏客牢鍵戶。瞻霽江海蒸。慘纒霰霄聚。閉關且何事。臥聽簷溜汙。斷續綴殘更。啞啞轢虛誦。失行雁濡翼。噤曉雞上鉅。水官厲威嚴。雨師從呂鉅。盡收天一氣。併作銀潢汙。代

雲不成馬。衛竦空飲。鯁河亡九里。潤海溢萬家。漚南朔相倚伏。亢澤不均。普物
物固難量。賤天奈何許。雌風四維來。龍具不能禦。了無喁于唱。亦不土囊怒。翁
習慣投隙。披拂僅如縷。俄焉目中曠。恍若負尸疰。老妻頗多智。裝棉劑吳楚。臧
妣燕趙產。縮朒甚饑鼠。固知廣川谷。實有異寒暑。荆南五月來。炙熱劇烹煮。伏
金骨俱燦。秋暴背其腐。商飆一冷。沃暫得寬腸。肚甯腹此愁。霖而兼濕。寒茹不
憂。竈生鼃。將恐皿爲蠱。橘枳改柯實。蜃爵紛介羽。嗟惟人不化。何用適風土。狐
裘故黃黃。掩形不如楮。清川浴垢疥。焉事資章甫。西園蕃草木。花葉故舉舉。螭
花實非梅。滇茶詎能苦。嗟嗟老櫛樹。占地凍不瘳。旁有南燭實。浪稱仙飯糲。名
雖疏藥錄。味不廁菱葍。鮮鮮若新沐。風檻羣媚嫵。茲族畏霜乾。徼倖且濡濡。甯
知膏澤贏。蠲蠲益孳乳。窮陰未肯釋。蹙頞唏老圃。陳君泥滑滑。稅輿踐今雨。幽
室共槃辟。高吟忽揚詡。長舒汲古綆。高曠尅敵弩。相君筆削資。談笑九流敍。乃
知古詩人。心鬪日迎拒。程馬蛻形骸。杯槃代尊俎。莫隨氣化運。孰自喙鳴主。開

天啓疆域。元和判州部。奇出日恢今。高攀不輸古。韓白劉柳騫。郊島賀籍仵。四
河道崑極。萬派播溟渚。唐餘逮宋興。師說一香炷。勃興元佑賢。奪嫡西江祖。尋
眎薪火傳。哲如斜上譜。中州蘇黃餘。江湖張賈緒。譬彼鄱陽孫。七世肖王父。中
冷一勺泉。味自岷觴取。沿元虞范唱。涉明李何數。強欲判唐宋。堅城捍樓櫓。咄
茲盛中晚。幟自閩嚴樹。氏昧荀中行。謂句弦倆矩。持茲不根說。一眇引羣瞽。叢
棘限牆闌。通塗成咀嵒。誰開人天眼。玉振待君拊。啁嘻寄揚摧。名相遞參伍。零
星寒具油。沾漬落毛塵。奈何細字札。銜袖忽持去。坐令誦茗人。倍文失言詁。鄭
侯凌江來。高論天尺五。畫地說三關。撰策籌九府。癯顏戴火色。烈膽執彫虎。盪
胸萬千字。得句故難住。梁鴻瓜廬身。禮殿擊鼉鼓。滄海浩橫流。中嶠屹砥柱。可
憐灌灌口。味肉失腍脯。那復問尖叉。又秋蟲振翅股。懷哉海陵生。江草胥柔艣。瘡
瘡濟陽跛。海燕對胥宇。季子踏京華。尺書重圭組。太陰沈暮節。病叟偏寒女。出
戶等夜行。焉將燎庭炬。百憂中繳繚。四望眩方所。賴君排偏側。冰窟日譴謏。消

此兩森森。蠲彼愁處處。天門開。誅蕩曷。月日加午。城隅卓刀泉。中有鐵花駐。櫨
栝百千株。夾道儼圍籞。樊口渺東望。松風冷相語。千載漫郎游。招招若呼侶。東
坡眠食地。固是余所佇。鬱沒老涪皤。赭山疇踵武。興來舴艋艇。徑欲掠江滸。政
恐迴颿撓。商羊復跳舞。蓋余謂詩莫盛於三元。上元開元。中元元和。下元元祐
也。君謂三元皆外國探險家覓新世界殖民政策。開埠頭本領。故有開天啓疆
域云云。余言今人強分唐詩宋詩。宋人皆推本唐人詩法。力破餘地耳。廬陵宛
陵。東坡臨川山谷。后山放翁誠齋岑高李杜韓孟劉白之變化也。簡齋止齋滄
浪四靈王孟韋柳賈島姚合之變化也。故開元元和者。世所分唐宋人之樞幹
也。若墨守舊說。唐以後之書不讀。有日蹙國百里而已。故有唐餘逮宋興及強
欲判唐宋各云云。

作詩工處。往往有在。悵惘不甘者。荆公別浦隨花去。迴舟路已迷。暗香無覓處。
日落畫橋西。二十字爲與神宗遇合不終感寓之作。余嘗謂貴人之不能詩者。

無論已。其能詩而最有山林氣者。莫如荆公。遇亦隨之。非居金陵後始然也。陳仁先曾壽嘗本余此說。作一七言古甚工。

林墩谷旭年二十餘。卽自刊其晚翠軒詩。余實主張之。因乞爲敘。草草不成文章也。尙有未刻詩數十首。視已刻者尤勝。稿多在余處。張園卽目呈石遺丈云。深篁傍水。飄蛛網中有拒霜。照眼明窮巷。幽姿端可比秋風。斜日若爲情。殘荷前日看。猶在遠客臨。行思自生聊。欲吟詩當報禮。仁人新敘敵連城。海西菴憶梁伯烈云。端坐能窮萬物妍。江波日日自洄漩。信知丈室維摩詰。得傍瓜廬焦孝然。賢守早亡長遠客。山僧深閉亦安眠。枇杷千樹真過我。來值繁霜十月天。
(自注。節菴愛晚翠軒之名。欲爲作記。又言焦山此樹最多。宜以軒屬我。一無題云。錦車使者歸來日。霧閣雲牕又起家。楚岫夢回洵美矣。漢宮望久詎非耶。君王自失河南地。顏色能驕西海花。生不逢時尙傾國。肯將薄命續琵琶。南塘詩三首云。南塘水漲多新景。河濱神祠壓淼漚。梔影挺挺過屋角。水鷗跼跼下

花間鋪行雜器堆船賣。士女春衣上冢還。風物荒城惟有此。卻思歸路可追攀。
南塘水漲多新景。連日無妨取醉吟。窮眼難逢花滿院。春愁誰見柳成林。依依
酒半將移晷。采采闌前欲去心。上已清明歸併了。只除行樂總休侵。南塘廟裏
花爭好。我與櫻桃獨有情。來度清明思略似。回尋詩句夢頻更。誰念離人愁
欲絕。櫻桃花下過清明。甲午京寓詩。一柁樓驚豔闌前過。絃柱含聲醉後鳴。并
合要將愁力勝。不堪風景滿前生。南堤桃花紅白雜。開云堤根數樹對泱泱。傳
粉施朱自試妝。淮水東流思不盡。春陽欲暮日初長。山僧栽種開誰管。游女經
過折亦強。自被詩人誚輕薄。柳陰不妒有鳴榔。送春擬韓致光云。循例作詩三
月盡。眼遭飄落太驚心。折成片片思全盛。綴得疏疏祝久禁。肯記帽簷曾競戴。
無情屐齒便相侵。冬郎漫把傷春酒。早日池塘已綠陰。全是后山集中學杜得
意之作。第三首稍爲別調。爲賽金花賦也。賢守謂王可莊。

陳弢菴

寶琛

爲詩必改而後成。過後遂不能改。謂結構心思已打斷矣。罷官鄉

居有作必就商於先伯兄木菴先生。書伯兄有與弢菴夜談云。貪涼初夜垂簾坐。新月辭人。早上樓斜漢。漸中秋指顧空階。如掃露沈浮。咫聞乍愛貞元士。癖好誰甄雅故流。落與閒中商。句法定交。京兆馬籠頭。又呈弢菴云。元祐諸公天人姿。慶曆聖德天所毗。既清海甸卷懷已。不殫厥錫焉施爲。鄉黨流風要人紀。文獻晦昧煩探披。泉虛石佇蓋可負。況詠華黍賡參差。青春登朝強仕歸。猿鶴懽喜迎龍夔。摩崖浯溪興不衰。老於文學今其誰。溫良顏色入座有。時以句法相質疑。龍章鳳姿愛鼈跛。亂頭粗服參旄釐。東屯西瀼隔還往。歲四五至窮昏曦。坐公聽水之齋思。松篁琴筑彈流澌。山舉踏月夜半至。挾卷報道詩尋醫。又弢菴以詩商定復寄一首云。窮巷誰敲月下門。奇疑正許夜深論。千金呂覽難加點。五善皇華有夙根。秋露如珠棉覺薄。書燈帶穗墨無痕。披衣作答旋敲枕。反覆尋思勞夢魂。又卽事書懷示弢菴云。句法危疑鯁在喉。移時不吐是吾憂。老來大事無他屬。悟得勞生未放休。食蟹看花行且近。依仁游藝復何求。料羊

齋甕皆前定。此意當年況白頭。伯兄既逝。弢菴亦復出山。在都數年。有作則必商定於余。今年六月。復以全稿屬去。取病中尙爲圈點數冊。約存六百首。勸刊行之。

同年陳伯嚴。弢菴典試江西所得士。丙戌余在都門。己丑在長沙。聞張鐵君

亨

嘉屢稱其能文。見其遊廬山詩一卷。學韓與實甫諸人同作者。後識李亦元

希

聖言君爲文。在陳承祚范蔚宗之間。遲之又久。始相見。君已中更患難。憔悴垂老矣。贈余一律云。勝流沈鄭抗顏行。說子淵淵無盡藏。狼籍詩篇爲客久。摩挲搨具看人強。過逢江漢頭俱白。上薄風騷氣獨蒼。更欲用心到聖處。坐收俊語挂奚囊。自注。君有選刻朋輩所爲詩之意。余次韻二首答之云。匡阜東南一太行。扶輿元氣久深藏。陳徐不作憑誰繼。虞揭而還覺汝強。滾滾沅湘流涕盡。栖栖江漢鬢毛蒼。題襟贈綺酸寒否。待轉風輪竅土囊。東冶亭邊字數行。誰知懷袖卻收藏。聞聲廿載纔今雨。把臂千秋幾古強。河嶽殷璠看落落。海山

表聖說蒼蒼雁聲。悽戾西風裏。詩楊離披冷隱囊。時余方喪伯兄。

曾重伯亦相知十餘年而後見面。癸卯在都。次冒鶴亭韻贈余。因題余元詩紀事後云。置酒新亭便可悲。如山退筆未能奇。見君磅礴傲新界。告我踞觚捐故知。楚士蒼涼窮北望。閩山秀絕最南枝。論詩常恨無周譜。喜得因君獲導師。余亦次韻答之云。渭城唱徹總堪悲。況汝驚才世所奇。兩面又千萬里別。二人早十五年知。桓伊遜此笛。三弄吾衍報之簫。一枝欲識蓬萊深淺事。只宜重問李師師。謂亂後聯軍入都。儀鸞殿中事。

庚寅在上海。從袁叔瑜緒欽處始見易實甫所刻丁戊行卷。及出都。吳蓬樊山。

沌水蜀船巴山錦里峨眉青城林屋游梁摩圍閣各詩卷。學謝學杜學韓學元白。無所不學。無所不似。而以學晚唐者爲最佳。後又從葉損軒處見其魂東魂北各集。古體務爲恣肆。無不可說之事。無不可用之典。近體尤惟以裁對鮮新工整爲主。則好奇之過。古人所謂君患才多也。庚子過武昌。出魂西集屬題。余

戲效其體。用魂西二字爲韻。云華裾客子過題門。几上牛腰束筍存。萬里麻鞵行在所。一囊古錦樂遊原。堂堂國事西臺哭。草草交期北夢言。欲喚臨川湯玉茗。爲君宛轉記還魂。體格唐三十六齋。更將五十六評題。潼關華岳新高掌。林屋匡廬舊赫蹏。令僕黑頭方袞袞。才人白下尙栖栖。樊南甲乙樊川兩。肯讓樊山與漸西。舉止生硬。效顰終不似也。

葉損軒郡丞爲詩三十年。寢饋於漁洋樊榭。語多冷雋。梁節菴鼎芬亟稱之。刻有寫經齋稿四卷。余最愛其和先伯兄一絕句云。敝廬校禮藁垂成。同谷羌村夢屢驚。只算寒山尋拾得。一無人處兩人行。時吾閩方有馬江之敗。損軒方讀禮招伯兄避兵陶江。陶江一名陽崎。兄居上崎。楞巖。損軒居下崎。玉屏山莊中。隔一水。日夕過從。兩人外皆田夫野老也。未幾損軒官江南。見實甫。魂東諸集喜之。頓改故步。續稿又續稿。七律詩十居八九。惟求裁對工整。視舊作若出兩人矣。

舊在損軒齋頭見節菴詩卷經其評題圈點者佳處多在悲慨超逸兩種如興
往思友生悲來涕山川到門驚老大臨水與徘徊兩湖舊種應成果他日重逢
莫問年纔見一筵笑俄分百里天千齡一日積此日誠艱哉觴急可以緩花落
還當開百年紅燭短一水夕陽深花前絮後無人在檢點青苔月色昏江水不
可涸我淚不可乾客行頭漸白人坐燭微紅一水飲人分冷暖衆花經雨有安
危聞鶯未識誰家柳臨水難回少日顏園丁未服生疏鶴春色猶妍老大藤漸
與世疏詩筆放偶緣春好酒杯寬衝船雙鷺去列岫一亭收事過百年人始貴
我無一物意還多啼風一鳥驕臨水數花詔諸聯皆可入主客圖者節菴少入
詞林言事鐫級歸里又避地讀書焦山海西菴乃肆力爲詩時窺中晚唐及南
北宋諸名家堂奧時王可莊修撰仁堪方出守鎮江素弟畜節菴時資給之故
是謝王二太守兄送米詩云侏儒欲死君弗治清談可飽吾不飢山樓曉覺叩
門急行人喘汗知爲誰忍菴吾兄念羈獨新收官俸聊分遣尙嫌薄少意未盡

那用鄰僧乞送爲我生天幸百不死適吳一賦猶五噫疏慵未寫魯公帖視此溝壑如居時艱難一粒亦民力無功坐食還自嗤丈夫會須飽天下豈以瑣屑矜其私江南百姓待澤久請從隗始鋪仁慈書生喜作大言亦作詩成例應爾也後可莊旣逝君有過鎮江一首云脫葉嘶風欲二更燈船夜泊潤州城芳菲一往成凋節言笑重來已隔生寒鳥淒淒背江去疎星歷歷向人明此行不敢過衢市怕聽窮簷涕淚聲屢見君以此詩書扇贈人蓋黃壚之感深矣伯嚴亦有二詩詩意極相似由九江之武昌夜半羈郵亭待船不至云廬峯長影插江流濤白煙青頰唾秋強臥郵亭數星斗孤明燈火聚鳬鷗支離皮骨殘宵見生死親朋一念收魂夢十年迷玉笛茫茫開眼此淹留過黃州憶癸巳歲與楊叔喬屠敬山汪穰卿同游云提攜數子經行處絕好西山對雪堂勝地空憐縱歌詠諸峯猶自作光芒鼃鼃夜立邀人語城郭燈歸隔雨望頭白重來問興廢江流繞盡九迴腸山陽子期所思尤悲苦也

伯嚴論詩最惡俗惡熟嘗評某也紗帽氣某也館閣氣余謂亦不盡然卽如張廣雅之洞詩人多譏其念念不忘在督部武昌督其實則何過哉此正廣雅詩長

處如正月十七日發金陵夕至牛渚云牛渚春波濺漲時武昌官柳已成絲東來溫嶠曾無效西上陶桓抑可知九曲亭云華顛文武兩無成羞見江山照旆旌只合巖樓陪老衲虛樓掃榻聽松聲其二云矜此勞人作少留卻煩冠蓋滿汀洲隔江欲喚楊夫子載酒攜書伴我遊（自注黃岡教諭楊君守敬）胡祠北樓送楊舍人云煙攪離腸酒易醒萼蓉緝芷送揚舲鬢邊霜雪秋催白山勢龍蛇雨洗青剩有讀碑思峴首不辭攢淚灑新亭淒清喜有寥天雁且破愁顏北向聽秋日同賓客登黃鵠山曾胡祠望遠云羣公整頓好家居又見邊塵戰伐餘鼓角猶思助飛動江山何意變凋疏三年菜色災仍澹一樹巖香老未舒我亦浮沈同湛輩登盤愧食武昌魚九月十九日八旗館露臺登高賦呈節菴伯嚴諸君云磯上巖城晚吹涼凌風壯觀補重陽柳仍婀娜秋生色荷已離披